

**VI. ANUNCIOS****A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

*ACORDO do 30 de xullo de 2026, do Departamento Territorial da Coruña, de redacción das actas previas á ocupación dos bens e dereitos afectados por unha instalación eléctrica no concello de Abegondo (expediente IN407A 2024/041-1).*

Outorgada a declaración de utilidade pública que leva implícita a urxente ocupación dos bens e dereitos afectados pola instalación eléctrica denominada Regulamentación BEG706 apoios 14, 16 e 17, no concello de Abegondo (expediente IN407A 2024/041-1), pola Resolución deste departamento territorial, do 22 de abril de 2026, a favor da entidade beneficiaria UFD Distribución Electricidad, S.A., con enderezo na avenida de Arteixo, 171, 15008 A Coruña.

Este departamento territorial, de conformidade cos artigos 52 da Lei de expropiación forzosa, do 16 de decembro de 1954, e 56 do seu regulamento, do 26 de abril de 1957, acorda sinalar o día 25 de setembro de 2026 para a redacción das actas previas á ocupación, en que se describirán os bens ou dereitos expropiables e de imposición de servidume de paso de enerxía eléctrica, contidos na relación de predios que se exporán xunto con esta resolución no taboleiro de edictos do Concello de Abegondo, deducida da que se someteu a información pública no DOG do 30.1.2026, no BOP do 14.1.2026 e no xornal *La Voz de Galicia* do 21.1.2026, acto ao que deberán concorrer as persoas propietarias ou titulares de dereitos sobre os predios propostos como afectados, ás que se lles practicará unha notificación individual en que se sinalarán os horarios de toma de datos sobre o terreo e posterior levantamento efectivo das actas na oficina da casa do dito concello.

Así mesmo, cando as persoas propietarias ou titulares de dereitos sobre os predios afectados sexan descoñecidas ou se ignore o lugar de notificación ou ben, intentada esta, non se puidese efectuar, publicárase un anuncio desta convocatoria no taboleiro de edictos único (TEU) do *Boletín Oficial del Estado*.

A Coruña, 30 de xullo de 2026

Isidoro Martínez Arca  
Director territorial da Coruña

CVE-DOG: uj7efmi3-7q17-prj5-le53-svjxccod3016

